

古今尺牘大觀
中編九



聚珍宋版印 四部備要

四部之書浩如烟海讀者選擇既難購置亦復不易本書選人人當讀之四部名著用聚珍宋版精印業已出版三期第四期十三年春出版

梁任公先生

告清華學校同學治國學最要的書如

四書集注 相台五經

諸子 四史 國語

國策 文選 楚辭

以及李杜白蘇柳等

專集

【經目】

四書集注 易經古注

詩經古注 書經古注 春秋左氏傳古注 禮記古注

說文解字真本

【史目】

國語 國策 史記 漢書 後漢書 三國志 史通 通鑑

【子目】

老子 莊子 管子 荀子 揚子法言 晏子春秋 商君書 韓非子 呂氏春秋 淮南子 墨子 列子 尹文子 鄧析子 孫子 鶡冠子 子略

【集目】

楚辭 文選 經史百家雜鈔 古文辭類纂 文心雕龍 古詩選 今體詩鈔 絕妙好詞 花間集 昌黎全集 河東全集 歐陽全集 東坡全集 太白詩集 工部詩集 香山詩集 劍南詩稿

全書四百冊 定價一百六十元

十元

印書根加六元 書箱二只 十四元

中華書局出版

文

字

通

詮

楊譽龍著 四册一元

是書分象天、象地、象人、象體、象事、象器、象植物、象動物、八類。每類復分綱目。每條首一字爲綱。多以形象言。其下連類附注其目。兼以指事、會意、形聲、轉注、假借言。凡研究文字源流者。得是書考證。則思過半矣。

中華書局發行

古今尺牘大觀 中編

第九冊

目錄

敘事類

陳述

宋韓琦與文正范公論師魯行狀書

宋范仲淹上呂相公書

宋尹洙答諫官歐陽舍人書

宋蘇舜欽答范資政書

宋司馬光與呂晦叔簡

宋歐陽修代辭胥學士啟

宋歐陽修與梅聖俞書

宋歐陽修與謝景山書

宋歐陽修與王龍圖書

宋張方平與蔣吏部書

宋王安石答韶州張殿丞書

宋王安石上相府書

宋王安石上徐兵部書

宋蘇軾上富丞相書

宋蘇軾答李昭玘書

宋蘇轍上兩制諸公書

宋黃庭堅答晦夫衡州使君書

宋秦觀上王岐公論薦士書

宋張舜民與石司理書

宋陸佃答史仲至書

宋鄭俠上朱舍人書

宋宗澤求教書

宋朱松代人上郡守書

宋朱熹與龔質之書

宋陸游上友人書

宋呂祖謙與周丞相子充書

宋羅願上執政書

宋陳亮與吳益恭安撫書

宋黃榦復豐宅三淮西帥書

宋黃榦與李侍郎夢聞書

宋文天祥覆廣東曹提刑啟

元吳澄答姜教授書

明劉崧與蕭鵬舉書

明方孝孺答俞景文書

明王叔英與方正學書

明李夢陽奉邃菴先生書一

明李夢陽奉邃菴先生書二

明王守仁答毛憲副書

明陸粲與岳厚夫書

明唐順之寄劉南坦書

明陳束寄屠漸山書

明尹臺答曹東村尙書書

明薛應旂答大宗伯孫季泉書

明薛應旂與王槐野宮諭書

明劉繪答李給事同野書

明莫如忠復三泉吏部書

明張居正答賀藩伯澹菴書

明王世貞答汪伯玉書

明王世貞致李伯承書

明汪道昆與蔣元鈞書

明張鳴鳳與中丞蔡公書

明宗臣報李于鱗書

明宗臣報陸長庚書

明宗臣報劉一丈書

明史桂芳上張明崖書

明溫純報譚二華總督書

明歸有光上瞿侍郎書

明歸有光與沈敬甫書

明支大綸答撫臺龐惺菴救侍郎洪朝選書

明馮時可上王座主老師書

明鄒元標與鄧定宇書

明馮琦上蔡汝聘尙書啟

明茅維與李本寧先生書

明張萱與陳元朋進士書

明李日華約同人刻未見書啟

明王在晉與銓部陸霽澤書

明王在晉與海道陶憲副書

明王在晉與樞輔孫公凱陽書

明程嘉燧答伯雨兄書

明李應昇答瞿起田書

明黎遂球報謝伯子書

明曾異撰與林守一書

誠訓

宋黃庭堅與洪駒父書

宋黃庭堅與子智書

明劉崧與王高書

明薛瑄戒子書

明王慎中與吳氏二子書

明錢薇與李子儀書

明史桂芳家書

明董應舉示元德姪書

明徐允祿與陶逸則書

明盧象昇寄訓室人書

明盧象昇寄訓子弟書

古今尺牘大觀 中編

第九冊

杭縣姚漢章

纂輯

吳縣何實睿

敘事類

陳述

宋韓琦與文正范公論師魯行狀書

某啟。辱教示及之翰所撰師魯行狀。俾附永叔作誌文。讀之思其人。悲咽不能勝。觀所載事。又有與聞見殊不相合者。大以爲疑。及閱尹氏姪子辨列。則皆某之疑者。於是釋然無所恨而喜尹氏有人矣。甚善某憶公前書道師魯將亡時。公亟往而謂曰。師魯平生節行。當請歐陽永叔與相知者爲文字。垂於不朽。師魯舉手叩頭曰。盡矣。某復何言。某又嘗接師魯言。以爲天下相知之深者。無如之翰。則於紀

述之際。宜如何哉。今所誤書。若不先由之翰。刊正。遂寄永叔。彼果能斥其說。皆以實書之。則行狀與墓銘二文。相戾不獨惑於今世。且惑後世。是豈公許死者之意。果可不朽耶。之翰果盡相知之誠。不負良友邪。嗚呼。師魯有經濟之才。生不得盡所蘊。謫非其罪而死。又爲平生相知者所誣。以惡書之。是必不瞑於地下矣。實善人之重不幸也。且前賢行狀。必求故人。故吏爲之者。不徒詳其家世事迹而已。亦欲掩疵揚善。以安孝子之心。況無假於掩而反誣之乎。夫生則賣友以買直。死則加惡以避黨。此固庸人之不忍爲。豈之翰之心哉。但恐不知其詳耳。然不知其詳而輕書之。以貽今世後世之惑。使師魯不瞑於地下。爲交友者不得無過。今聞之翰領江南漕。必已離安陸。願公不以千里之遠。速以行狀附還。使詳尹姪之說。悉刊其誤。然後以寄永叔。必能推而廣之。使師魯之行實傳之光顯。垂於無窮。則公之許死者。是謂踐其言。天下忠義之人。皆有所勸。公之名德益重於世矣。幸甚。幸甚。

宋范仲淹上呂相公書

伏蒙台慈。豐賜鈞翰。而褒許之意。重如金石。不任榮懼。不任榮懼。竊念仲淹草萊經生。服習古訓。所學者惟修身治民而已。一日登朝。輒不知忌諱。效賈生慟哭太息之說。爲報國安危之計。而朝廷方屬太平。不喜生事。仲淹於搢紳中。獨如妖言情既齟齬。詞乃睽戾。至有忤天子大臣之威。賴至仁之朝。不下獄以死。而天下指之爲狂士。然則忤之之情。無他焉。正如陸龜蒙怪松圖贊。謂草木之性。其本不怪。乘陽而生。小已遏。不伸不直。而大醜彰於形質。天下指之爲怪木。豈天性之然哉。今擢處方面。非朝廷委曲照臨。則敗辱久矣。昔郭汾陽與李臨淮有隙。不交一言。及討祿山之亂。則執手泣別。勉以忠義。終平劇盜。實二公之力。今相公有汾陽之心之言。仲淹無臨淮之才之力。夙夜盡瘁。恐不副朝廷委任之意。重負泰山未知所釋之地。不任惶恐戰慄之極。不宣。仲淹惶恐再拜。

宋尹洙答諫官歐陽舍人書

某十九日至解州。聞永叔舍人其日抵陝郡。以數年之別。相去才數十里。不得一相遇。悵然以爲不幸。然某方爲姦人所擠。構虛百端。舉朝莫與爲辨。若見永叔。必極論是非。其不知者。將以某所恩求。援於永叔。此不獨重爲某累。又且以累知己。故不得一相見。未爲不幸也。自天休見侵。未嘗作京師書。用此亦不敢修問。左右蒙專遣腳力致手誨。何朋友之顧厚也。仍以某近喪長子爲慰。某始三男。中男往歲多病。襄城道中物故者也。幼子三歲。美慧可念。三月中在渭失之。長男壯大。與姪植皆門戶所倚者。一日同逝。人生孤苦至此。處世復何聊賴。永叔見哀之深。誠知我者。然謂晉慶不當爲意。似未見亮。永叔尙爾。況他人耶。永洛事未易可言。然事之利害。人人各異見。不必深咎。今旣城之。則異日自辨。不足復論。但天休旣罷兵。任若以城之爲利。當論於朝廷。不當督涇原部將擅爲此役。彼劉滬者。爲涇原部將。苟知城之爲利。當與天休合論於朝。不當數數爭耳。幸賜照亮。

宋蘇舜欽答范資政書

道遠且阻。不得上記。以候起居。家兄封到。閏月所賜手教一通。訓愛切至。情義并隆。懷感益深。不可言喻。某昨得罪後。都下沸騰未已。其謗皆出人情之外。而往往信而傳之。自念非遠引潛則。不能快讎者之意。又以世居京師。墳墓親戚所在。四方茫然。無所歸始者。意亦重去。不得已。遂沿南河。且老吳中。既至。則有江山之勝。稻蟹之美。充州有租田數頃。郡中假回車院以居之。親友分俸伏臘。似可給。豈敢再求贏餘以足所欲。日間甚曠。得以縱觀詩書策。及往時著述。有未備者。皆得綴緝之。治易頗有所得。時苦奧處無人商論。乃知君子理身格物之道。自有本也。險難以萌。而不之見。宜其悔焉。況某性疎且拙。疎則多觸。時忌不能防閑。小人拙則臨事不敏。無所施爲。因此遂得退藏。蓋亦自幸。苟致之劇地。責其功績。徒自勞困。而無益於時也。衣食之分。祇此而已。今得心安舒。而身逸豫。坐探聖人之道。又無人譏察。而責望之何樂如是。攝生事素亦留意。今起居飲食皆自適。內無營而外無勞。斯莊生所謂遁生之刑者也。歲餘來。能飲冷而少病。此其效歟。某既廢於世。

本當於江湖之上。與魚鳥麋鹿同樂。不欲使聲問蹤跡。一至於人間。因閣下之教。丁寧委折。不得不具道所懷。幸問察焉。

宋司馬光與呂晦叔簡

介甫文章節義過人處甚多。但性不曉事。而喜遂非。致忠直疎遠。讒佞輻輳。敗壞百度。以至於此。今方矯其失。革其弊。不幸介甫謝世。反覆之徒。必詆毀百端。光意以爲朝廷特宜優加厚禮。以振起浮薄之風。苟有所得。輒以上聞。不識晦叔以爲如何。更不煩答。以筆札展前力言。則全仗晦叔也。

宋歐陽修代辭胥學士啟

某聞驚蹇之材。雖謝終戀於故軒。頡頏之羽。方歸尙懷於廣廈。何則。物由時制。質以願違。瞻後來以不遑。豈卑飛而自適。矧在最靈之品。優叨再造之仁。拘文憲以難踰。捨藩牆而輕去。翩如秋蒂。臨一水以將歸。霽若晨霞。與孤舟而遂往。恩渥山積。感緒絲棼。竊念某材實懦庸。識惟駢淺。謬偷生於人壤。獲構幸於王塗。弓冶傳

家耒耜遵業。嘗畏圈牢之誚。樂聞詩禮之言。逮過弱齡。粗堅苦節。且親闈就養。宦路隨方。西走巴賓。南浮江澨。登稽山而訪古。學謝前良。歷劍阪以刊銘。文慙往哲。何嘗不跂清微於朝闈。詠鴻藻於聖門。文席是依。寸晷惟競。僅偕童刻之技。終無老成之風。性既愚而不移。齒及壯而自惕。幸邁當陽求士。上哲持衡。勉趨翰墨之場。濫齒孝廉之舉。袍紛紛而若雪。志凜凜以懷霜。鑒本無私。敢逃於蚩鄙。科非有備。遽荷於甄收。玷妙簡以惟精。撫微生而何幸。洎春闈之較藝。叨雲陛以策名。山木呈材。自選掄而爲器。冶金效用。荷鎔造以成功。進匪時來。幸由恩假。自此從風宦牒。授任選臺。俾外掌於司刑。尋參榮於軍幕。幸蒞熙熙之壤。姑隨冉冉之趨。若乃民命所矜。在一成而致慎。憲條具設。知五聽之惟難。允非幹明。曷副欽恤。而某身專吏局。世匪法家。象斗之制。斯嚴肇聞。里令磔鼠之能。素寡舉乏。片言矧乎人。有刻木之嫌。口擅鑠金之利。或行效黠虜。或巧過騰猿。居多納履之防。願奉酌泉之戒。事機匪一。識局難周。惟曠弛之是憂。在憲章而可懼。弱羽未沈於泥滓。福星

聚列於珠躔。幸遇某官。京輔移轅。軍牙涖政。金鼇虛署。久稽上笏之榮。銀兔分符。實重專車之任。撫治綱之大振。使訟牒以寢。銷茂草鞠扉甘棠蔽坐。不謂斗筭之役。載依旌榮之門。榮立府庭。恪奉條教。卿雲之蔭。雖廣潤及於纖荊。冬日之愛。至高惠先於一物。降包荒之大體。示含垢之深仁。賜以雍容。優其顏色。常與言於塵柄。許獻技於鈴齋。曲矜蹇蹇之軀。過損循循之誘。重念某襟靈不爽。道藝非優。白竊吹於秀科。頗空食於官舍。嘗欲溫故於案几之暇。勵力於歲月之餘。冀少益於顓愚。庶上裨於亨遇。而寡聞自任。扞格奚勝。學圃遂荒。整一經而不治。文緒難繹。懼彌日而無成。露狂狷以居多。黷聰明而爲甚。斷無他技。動乏所長。徒祇事於麾旄。固無施於塵露。豈謂伏蒙某官。恢山藪之量。納菲葑之言。曲掩疵瑕。薦加題品。褒采一介。靡遺五管之微。甄拔下流。有過衆人之遇。舉空疎之器。爰定品於優長。飾闇弱之姿。將類能於開敏。矜其拙效。嘉乃妄庸。上辱哲明。曲形表薦。且俾預官聯於轂下。參器使於民間。苟檢操之有渝。引簡書而共守。所念名編桂籍。已塵玷。

於大猷迹。厠金臺。復叨居於始。賞恩踰素望。理邁常均。未懷肉骨之私。寧止捐軀之報。方幸輝光末運。使節少畱。願旅翮之有依。適諧棲集。何飛蓬之易轉。遽至飄離。俄及戍期。倏辭藩岳。結課蔑聞於最賦。省躬幸免於常刑。初履有光。優慈是賴。而自解曹符而退處。終歲律以寓居。荷眷待以特殊。沐霑濡之至澤。越後筵之禮分。據右席之賓儀。置酒梁園。幾逢於美景。觀容相圃。屢奉於清歡。給舳艫以備行。備輿臺而補乏。士林增耀。民巷改觀。今則已揆良辰。將還舊筆。違樂郊而去。德戀大幕。以銷魂行。當聞優詔於塗中。候歸艎於日下。瀛洲祕局。式瞻侍從之班。溫樹近司。永託陶鎔之造。願趨槐府。獲效蓬心。攬涕敍誠。隕首誓報。卑情無任。

宋歐陽修與梅聖俞書

某啟。捧來簡。釋所以名老之義甚詳。某常仰希雋游。所望正在規益。豈敢求辯博。文才之過美哉。前承以逸名之。自量素行。少岸檢。直欲使當此稱。然伏內思。平日脫冠散髮。傲臥笑談。乃是交情已照。外遺形骸。而然爾。諸君便以輕逸待我。故不

能無言。今若以才辯。不窘爲逸。又不足以當之也。師魯之辯。亦仲尼孟子之功也。子聰之俊。詩所謂譽髦之士乎。公慤之慧。亦大雅之明哲。幾道之循。有顏子之中庸。堯夫之晦。子野之默。得易之君子。晦明語默之道。聖俞之懿。是尤爲全德之稱矣。必欲不遺達字。敢不聞命。然宜盡焚往來問答之簡。使後之人。以諸君自以達名我。而非苦求而得也。

宋歐陽修與謝景山書

修頓首再拜。景山十二兄法曹。昨送馬人還。得所示書。并古瓦硯歌一軸。近著詩文。又三軸。不勝欣喜。景山留滯州縣。行年四十。獨能異其少時雋逸之氣。就於法度根蒂。前古作爲文章。一下其筆。遂高於人。乃知駟駿之馬。奔星覆駕。及節之鑾。和以駕五輅而行於大道。則非常馬之所及也。古人久困不得其志。則多躁憤。佯狂失其常節。接輿屈原之輩是也。景山愈困愈刻意。又能恬然習於聖人之道。賢於古人遠矣。某嘗自負平生不妄許人之交。而所交必得天下之賢才。今景山若